

東光縣志卷十一

光緒十二年重修

雜稽志上

事略

東光於今為偏區下邑似若無事故舊志皆闕無述然自昔固曾為國為州為軍也不有志之奚以稱先而示後特於正史及志乘中擇其大端自周至明蒐輯百六十餘條而

本朝事蹟繼之以次編焉至於祥異自應別為一門惟河決載入事略誠以未決以前宜有思患豫防之道既決而後尤切勞民傷財之憂全在人為不得盡委

東光縣志

卷十一

雜稽志上 事略

一

為天災也而其他朝政所關建廢移併兵戎徭役亦何代無之誰謂一鄉一邑不足以觀王道哉志事略

周

己未

定王五年

魯宣公七年

秋河徙

禹貢錐指曰河徙自東光南皮浮陽絕八枝而北

合徒駭

辛巳

景王二十五年

魯昭公二十二年
晉頃公六年

夏六月晉荀吳略

東陽

漢志東陽侯國屬清河郡羅泌國名紀亦以東陽治清河即今廣平清河縣地與冀州接壤自東光

至清河中隔景州棗強南宮三邑界約二百餘里
左傳杜注所謂廣平以北者是也再按水經注淇
水自館陶東北過廣宗縣東爲清河漢因置清河
郡又東過脩縣與大河張甲故瀆合又東過東光
南皮等縣據此尤可知東光爲古清河地所謂淇
水卽今運河所謂張甲卽漳水故瀆爲今漫河而
東光之名亦卽仿東陽取義

癸丑 顯王元年 魏惠王三年 齊威王十一年 齊伐魏取觀津

地理志今釋觀津故治在今武邑縣東南與景州
阜城接壤漢志謂觀津有竇氏青山可見東光西

東光縣志

卷十一

雜稽志上 事略

二

偏正古觀津地也胡身之通鑑注謂觀津去齊甚
遠亦曾思觀津屬魏爲甚近也又或疑是曹州觀
城縣不知觀城之名乃隋所置豈所論於戰國時
哉

甲辰 慎靚王四年 魏哀王二年 齊湣王七年 齊敗魏于觀津

史記正義引括地志云觀津城在冀州棗陽縣東
南二十五里本趙邑今屬魏也按冀州無棗陽縣
當是棗強與武邑南北爲鄰故史注觀津或稱武
邑東南或稱棗強東南其實一也

按史記外戚竇太后清河觀津人也正義曰在棗強東北二十五里可證前引之誤

庚戌 赧王四年 趙武靈王十五年 張儀說趙割河間以事秦

壬午 赧王三十六年 趙惠文王二十年 趙封樂毅於觀津號望諸

君

綱目質實觀津戰國趙邑名樂毅受封於此漢置

觀津縣

秦

辛酉 始皇七年 趙悼襄王五年 趙王以慶舍將東陽

史記趙世家正義曰東陽屬貝州在河北岸也按

悼襄王四年龐煖已取饒安徐廣注饒屬北海安

屬平原其實卽今滄州南皮兩界地耳七國時屬

東光縣志

卷十一 雜稽志上 事略

三

齊戰國時屬趙若貝州則卽今廣平清河縣是東
光之屬東陽審矣

癸酉 始皇十九年王翦羌瘃盡定取趙地東陽得趙王

秦本紀曰趙公子嘉自立爲代王東與燕合兵軍

上谷

庚辰 始皇二十六年分天下爲三十六郡以河間勃海屬

上谷郡

方輿類纂秦上谷郡爲今保定河間天津易州及

順天府西南境又宣府延慶保安等處是舊志謂

屬鉅鹿郡則其地爲今順德眞定各屬冀趙深定

等州相去遠矣又或以爲齊郡則其地在山東爲
今濟南青州武定登州萊州五府益不相及也

漢

癸卯 高帝九年徙代王如意爲趙王

漢書地理志高帝以秦胡蘇地置東光縣

丁丑 文帝十六年封壯侯韓頹當爲弓高侯

地理志今釋漢弓高故城在今阜城縣西南二十
餘里方輿類纂又云弓高縣在景州東北四十里
雖所指不同然東光西境固分有其地也故隋置
弓高卽東遷於境內

東光縣志

卷十一

雜稽志上 事略

四

丁巳 武帝元朔五年封韓說爲龍頡侯

舊志龍頡遺址在弓高城外今名龍頡村綱目質
實謂在景州東北四十二里方嚮亦是但未明其
地屬東光耳

壬申 元封二年夏塞瓠子河決導河北行二渠復禹舊蹟

史記溝洫志後河復決於館陶分爲屯氏河東北
經魏郡清河信都勃海入海

按此屯氏河卽今東光西境由
阜城入流至交河之漫河也

己亥 昭帝始元五年春正月追尊皇太后父趙父爲順成

侯

舊志順成遺址在縣西北三十里今名其地曰順
成鄉卽封趙父邑所

壬午 元帝永光五年河決清河靈鳴犢口屯氏河絕

癸未 帝元更始元年冬遣徇河北除莽苛政復漢官名

甲申 更始二年夏拔邯鄲斬王郎定涿郡中山鉅鹿河間

二十二縣冬蕭王自引兵徇燕趙

東漢

庚寅 光武帝建武六年定封耿純為東光侯

壬辰 建武八年九月以東光侯耿純為東郡太守

乙未 和帝永元七年樂成王黨坐賊殺人削東光鄆二縣

東光縣志

卷十一 雜稽志上 事略

五

丁未 桓帝永康元年八月六州大水勃海盜賊

辛未 獻帝初平二年十一月黃巾轉寇勃海公孫瓚與戰

於東光大破之

甲申 建安九年袁譚略取安平勃海河間復拔平原走保

南皮

魏志是年遏淇水入白溝以通糧道

按此糧道卽今運河東
光境內轉漕應始於此

癸巳 建安十八年夏以冀州河東等十郡封曹操為魏公

按冀州諸郡縣從此
屬魏不復為漢有

三國

寅 戊 魏甘露三年五月封石苞爲東光侯

晉

午 戊 惠帝元康八年冬遣將軍孟觀討氏羌齊萬年
從張華薦也

未 己 元康九年春正月觀擊萬年獲之

晉書孟觀傳滄州東光人

亥 乙 愍帝建興三年章武人王春起兵於科斗壘擾亂河

間勃海諸郡

按漢及魏晉章武地皆在今滄州東北境

載記曰石勒以揚武張夷爲河間太守以參軍臨

東光縣志

卷十一

雜稽志上 事略

六

深爲勃海太守

子 丙 建興四年邵續使兄子濟攻勒勃海虜三千餘人而

還

卯 己 元帝太興二年十一月石勒僭卽王位國號趙魏汲

平原勃海河間等二十四郡皆屬之
自是趙地不復爲晉有

載記曰是冬石勒改元趙王大雨霖中山常山尤

甚滹沱泛溢衝陷山谷巨松僵拔浮於滹沱東至

勃海原隰之間皆如山積

戌 庚 穆帝永和六年秋九月燕慕容評徇冀州勃海取章

武河間

未 癸 孝武帝太元八年燕使慕容垂鎮慰河北自是趙地又爲後燕

據所

申 甲 太元九年秦苻堅苻紹以信都高城降燕

綱目質實高城屬勃海郡今鹽山縣東南其故治

也而東光亦於是屬燕矣

按信都在東光之西高城在東光之東信都高城皆降而東光其焉往

北魏

亥 癸 明元帝泰常八年車駕幸鄴以刁廳爲青州刺史東

光侯

戌 甲 孝文帝延興十八年遷都洛陽封郭祚爲滄水公賜

東光縣志

卷十一 雜稽志上 事略

七

爵東光子復從乘輿南討進爵東光伯

未 乙 宣武帝延昌四年六月沙門法慶聚眾反於冀州殺

阜城令河北騷然

申 丙 明帝熙平元年四月瀛州人飢開倉賑恤

酉 丁 熙平二年十月以幽冀滄瀛光五州飢遣使巡撫

未 丁 孝昌二年葛榮圍冀州北方大亂十一月冀州陷

舊志稱西光城係孝昌中葛榮所築者當在斯時

申 戊 孝昌四年三月葛榮陷滄州九月爾朱榮討擒葛榮

冀定滄瀛平

司馬通鑑曰居民死者什八九

亥 辛 節閔帝普泰元年以高歡爲勃海王東道大行臺

東魏

甲 寅 孝靜帝天平元年以東光縣爲勃海郡治時歡欲移封郡近鄉

里故改 是年遷都於鄴乃令瀛滄幽青四州之境煮

鹽置竈

食貨志滄州置竈一千四百八十四瀛州置竈四

百五十二

按東光之有竈戶鹽場應始於此

北齊

庚 辰 廢帝乾明元年夏冀趙瀛滄等州蝨水傷稼遣使分

東光縣志

卷十一

雜稽志上 事略

八

塗贍卹

隋

癸 卯 文帝開皇三年十一月罷天下諸郡於是勃海郡廢

仍爲東光縣屬德州

己 酉 開皇九年改東光縣爲觀州

丁 卯 煬帝大業三年四月改州爲郡於是觀州廢仍爲東

光縣屬平原郡又併安陵入東光而以其廢地別置

弓高縣

癸 酉 大業九年春賊帥杜彥永陷平原大掠而去所在盜

起河間格謙勃海孫宣雅各聚眾攻擄

乙亥 大業十一年二月詔村隍皆築城

通鑑上谷賊帥王須拔魏刀兒十餘萬眾北連突

厥南寇燕趙故令村隍築城

按東光有南北二堡是其遺蹟

丙子 大業十二年十二月虎賁郎將羅藝起兵涿郡殺渤海

太守唐禕等河間賊將高開道寇掠燕地

己卯 恭帝皇泰二年夏王竇建德據河間樂壽取邢滄洺

趙諸州

唐

辛巳 高祖武德四年於弓高縣復置觀州又析東光縣地

東光縣志

卷十一

雜稽志上 事略

九

復置安陵縣

丁亥 太宗貞觀元年分天下為十道以河北道治魏郡領

瀛冀滄德諸州

舊志曰是年開馬頰河在縣界後亦呼篤馬河又

名新河今涸

按此乃新河而被以舊名微特非馬頰亦並非篤馬如今山東之徒駭馬頰二河亦唐久視中所開也

戊子 貞觀二年於弓高縣復置景州東光屬焉

庚子 貞觀十四年又以東光改隸德州

癸卯 貞觀十七年廢觀州以東光胡蘇改屬滄州

亥 辛 高宗永徽二年以安陵縣移治於白社橋

己 己 總章二年封紀王第三女為東光縣主

亥 乙 上元二年天后命元萬頃苗神客等撰列女傳臣軌

諸編

唐書元萬頃傳苗神客東光人為著作郎

申 丙 中宗嗣聖十三年武后萬歲通天元年契丹陷冀州又攻瀛州

冬十月河北震動

巳 乙 神龍元年春正月張柬之袁恕已等舉兵討武氏之

亂帝復位三月以袁恕已為中書令

唐書本傳袁恕已滄州東光人

東光縣志

卷十一

雜稽志上 事略

十

午 丙 神龍二年正月以袁恕已為豫州刺史六月武三思

貶恕已為寶州司馬張柬之桓彥範一時俱貶秋七

月恕已彥範等皆為三思所殺

戌 庚 景龍四年六月相王即位平韋氏亂追復袁恕已等

官爵削武三思爵諡暴其尸

寅 丙 元宗開元十四年七月滄州大風海運船沒者十一

二失平盧軍糧五千餘石舟人皆死時平盧軍兼淄沂滄德棣五州

節度

辰 戊 開元十六年正月以宇文融充九河使復禹故道事

多不就

唐書地理志東光上南二十里有靳河自安陵入
浮河卽開元中所開者

寅 戊 開元二十六年建東光縣學

綱目書法武德嘗置州縣鄉學矣不皆置也於是
令天下州縣里皆置學則無無學之里矣

寅 庚 天寶九年八月以安祿山爲河北道採訪處置使

未 乙 天寶十四年常山太守顏杲卿起兵討賊河北諸郡
皆應之

申 丙 天寶十五年十月史思明攻陷河北諸郡河間景城
李渙李暉皆死

東光縣志

卷十一

雜稽志上 事略

十一

酉 丁 肅宗至德二年冬史思明以所部來降滄瀛安深德
棣等州復歸河北

卯 癸 代宗廣德元年置魏博等州防禦使領魏博貝瀛滄
五州夏分河北諸州節度以滄棣冀瀛爲青淄軍管

卯 乙 大曆十年以瀛州隸幽州盧龍節度以滄州隸義武
節度

丑 乙 德宗貞元元年復用盧杞爲饒州刺史給事中袁高
不草制更命他舍人草制出高執不下帝悟乃改杞
爲澧州別駕

舊唐書袁高傳高字公頤恕已孫也

卯丁 貞元三年以東光改屬景州

兵志是年置橫海軍節度使領滄景二州

己巳 貞元五年二月分景城弓高為景州除刺史

通鑑綱目以程懷直為滄州觀察使懷直請分景

城弓高為景州除刺史上從之集覽曰今景州東

光縣有弓高店

按東光有察院行臺當
原於此宋元皆因之

辛丑 穆宗長慶元年廢景州以東光改隸滄州

壬寅 長慶二年春正月盧龍兵陷弓高

通鑑綱目盧龍軍亂弓高守備甚嚴有中使夜至

東光縣志

卷十一

雜稽志上 事略

十二

守將不納旦乃得入中使大詬怒賊謀知之他日
偽遣人為中使夜至守將遽納之賊隨而入遂陷
是年復於弓高置景州以弓高東光臨津南皮等縣

屬之

己酉 文宗太和三年二月橫海節度使李祐帥諸道兵擊

李同捷夏四月同捷降滄景平

庚戌 太和四年又廢景州仍以東光等縣屬滄州

開成三年詔以袁恕已曾孫德文為校書郎

壬子 昭宗景福元年復於弓高置景州以東光安陵等縣

屬之

戊午 光化元年三月劉仁恭取滄景德三州

庚申 光化三年四月張存敬攻滄州敗劉仁恭於老鴉隄
遂從諸將取瀛莫祁景四州是秋朱全忠復取瀛景

莫三州

五代

己巳 梁開平三年五月劉守光進攻滄州

戊辰 晉天祐五年以景州移治於東光旋置永靜軍

丙子 晉天祐十三年梁貞明二年拔滄州徙李存審為橫海節

度使

唐本紀劉鄩圍邢州戴思遠棄滄州而逃遂取之

東光縣志

卷十一

雜稽志上 事略

十三

甲辰 晉開運元年春耶律德光傾國南寇與晉相距於河

月餘殺傷相半乃引去分兵為二一出滄州一出深

州以歸

丙申 晉天福元年以幽涿薊檀順瀛鄭蔚等十六州皆入

於契丹

壬子 周廣順二年十月瀛莫幽州大水入塞者四十萬口

詔所在振濟存處之

己未 周顯德六年四月自將伐契丹車駕至滄州取瀛莫

易三州以滄州弓高併入東光為定遠軍治所

宋

辛巳 太宗太平興國六年於東光復置永靜軍

丙戌 雍熙三年契丹大舉入寇掠邢深德州東光戒嚴

甲辰 眞宗景德元年改永靜軍爲崇甯軍

按雖改名崇甯而永靜習稱已久故史鑑於此後仍書永靜也

乙卯 大中祥符八年李垂請於深州西南決衡漳西岸限

水爲門西北注滹沱潦則塞之使東漸渤海旱則決

之使西灌屯田

按此引漳水入渤海地與水經注大河故道在東光北合漳水者合

丙戌 仁宗慶曆六年詔分河北兵爲四路瀛莫雄霸貝冀

滄州永靜乾甯保定信安軍爲高陽關路

東光縣志

卷十一

雜稽志上 事略

十四

按高陽關卽今河間府

戊子 慶曆八年六月河決商胡埽明年改元皇祐河遂合

永濟渠注乾甯軍由德滄而入海

按此卽今運河道

戊申 神宗熙甯元年滹沱漲溢與御河合流詔都水監河

北轉運司疏治六月河決恩冀瀛州七月又溢瀛州

總壽埽

己酉 熙甯二年七月張鞏奏二股河流漸順宜塞北流除

恩冀深瀛永靜乾甯等州軍水患使胡盧河御河下

流各還故道

亥 辛 熙甯四年五月開修漳河御史劉摯上言核奏不聽

宋史劉摯傳永靜東光人

子 壬 熙甯五年分隸河北雲翼指揮為五十六使永靜軍

置雲翼二又設宣毅指揮一闕弗補又以永靜軍廂

兵為保節軍

寅 甲 熙甯七年深州靜安令任迪議引永靜軍雙陵口河

溉田

巳 丁 熙甯十年河大決於澶州北流斷絕

午 戊 元豐元年濱棣滄州竹木魚果炭箔稅不及百錢者

蠲之

東光縣志

卷十一

雜稽志上 事略

十五

申 庚 元豐三年河決小吳口復北流入御河下合西山諸

水至青州獨流三叉口入海

按此全由今東光御河道

戌 壬 元豐五年九月河溢滄州南皮上下埽又溢清池埽

又溢永靜軍阜城下埽

未 辛 哲宗元祐六年春二月以劉摯為尚書右僕射兼中

書侍郎冬十一月罷知鄆州

戌 甲 紹聖元年七月貶劉摯為光祿卿

十月自闕村下至栲栳隄七節河門並皆閉塞盡障

北流使全河東還故道

按從此黃河不
逕東光境界

丁丑 紹聖四年春章惇貶劉摯為鼎州團練副使冬十二
月行至新州卒

庚辰 元符三年春三月詔許劉摯歸葬錄其子孫

壬午 徽宗崇甯元年冬詔增修御河西隄開置斗門決滄

州永靜軍積水入御河

甲申 崇甯三年六月丁巳籍元祐姦黨三百九人刻石於

文德殿門東壁司馬光為首劉摯第五

通鑑綱目元年已立黨人碑至是乃更增之摯名
仍第五

東光縣志

卷十一

雜稽志上 事略

十六

丙午 欽宗靖康元年夏种師道請屯兵於青滄預為防秋

之計議格不行河北東路宣撫使李綱仍請防之

丁未 靖康二年正月詔兩河民降金民不從三月金人立

張邦昌為楚帝凡三十三日金騎既退邦昌復歸政

孟后獻璽康王五月高宗改元建炎遣馬忠等自恩

冀趨河間以擊金軍

八月金人盡陷河北州郡

綱目金閣母陷河間府屬及雄州

閣母乃世祖第十一子河間諸

州縣皆其所下

金

己酉 太宗天會七年宋建炎三年 析河北為東西路以景州東

光屬東路河間總管府九月下髡髮令禁民漢服

庚戌 天會八年宋建炎四年 九月金立劉豫為齊帝河間滄景

皆屬之

壬子 天會十年宋紹興二年劉豫阜昌二年 夏四月劉豫徙居汴

壬寅 世宗大定二十二年宋淳熙九年 九月遣刑部移刺慥於

山東猛安內摘八謀克徙於河北東路無牛者官給之

金史國語解猛安干夫長謀克百夫長此因河北東路迭遭兵燹居民流散故就山東分遷也

東光縣志

卷十一

雜稽志上 事略

十七

癸卯 大定二十三年宋淳熙十年 大理寺具私鹽及刮鹹土二

法以上

食貨志宰臣謂鹹土非私鹽可比上亦曰刮鹹非

煎何以同私張仲愈獨曰私鹽罪重犯者猶多若

不禁止則渤海之人恣刮鹹而食將侵官課矣

丁未 大定二十七年宋淳熙十四年 夏六月免中都河北等路常

被水災軍民租稅

戊申 大定二十八年宋淳熙十五年 五月初巡捕使山東滄寶坻

三處各二員滄則置於深州及甯津縣以稽察私鹽

乙丑 章宗泰和五年宋開禧元年 正月調山東河北軍夫改置

漕渠

丙寅 泰和六年 宋開禧二年 定制凡漕河所經之地州府皆帶

提控漕河事縣官則帶管勾漕河事凡為府三州十

二縣三十三若吳橋東光將陵南皮交河等縣皆管

勾漕河事

河渠志曰凡諸路瀕河之城則置倉以貯旁郡之

糧若景州之將陵東光青州之興濟會川皆置倉

之地也

夏五月宋兵有警命河北大名北京天山之兵萬五

千屯於真定河間清獻等處以為應

東光縣志

卷十一

雜稽志上 事略

十八

癸酉 宣宗貞祐元年 宋嘉定六年元太祖即位之八年 元兵入徇觀州刺

史高守約死之又徇河間清滄濟南諸郡

乙亥 貞祐三年 宋嘉定八年 副將孫江以滄州降王楫而江將

兵圍觀州行軍提控完顏霆以書詐楫而誅江乃定

觀州而還

按此見金史完顏霆傳元史王楫傳未載只言招諭清滄諸城望風款附

丙子 貞祐四年 宋嘉定九年 二月知觀州軍事張開復河間府

滄獻等州並屬縣十有三

丁丑 興定元年 宋嘉定十年 蒙古攻觀州

庚長 興定四年 宋嘉定十三年 夏四月封經略使王福為滄海公

以清觀滄州鹽山無棣樂陵東光甯津吳橋將陵阜
城舊縣隸之

八月宋安撫使張琳攻滄州王福以城降
元

成吉思帝十六年宋嘉定十四年十一月宋安撫使張琳以

京東諸郡來降元以琳爲滄景濱棣等州行都元帥

太宗英文帝元年宋紹定二年始置倉立驛命河北漢民

以戶計出賦調耶律楚材主之

世祖至元三年宋咸淳三年七月六日都水監言運河失

於修治請於清州之南景州以北頽闕岸口三十餘

東光縣志

卷十一

雜稽志上 事略

十九

處並浚滌之

至元二十年正月詔停燕南河北山東租賦

至元三十年朝廷役夫四千修築清景運河隄堰

仁宗延祐三年七月請開郎兒口以洩景吳安東運

河水溢

按此後於泰定元年甲子始塞郎兒口九月興工十月工畢

泰定帝致和元年九月遣使分行河間保定等路括

民馬

順帝至正十八年三月宋毛貴破濟南轉而北攻董

搏霄與戰於南皮死之毛貴率衆大掠河間趨直沽

明

己酉 太祖洪武二年令郡邑設行太僕寺置牧地責民間

大戶養馬於是東光立馬廠

是年典史李從道重建縣署及 學宮學署

甲寅 洪武七年七月以東光縣省入阜城縣

庚申 洪武十三年春復置東光縣屬河間府分隸景州

己卯 惠帝建文元年燕王靖難兵起縱橫河北數千里幾

無子遺

甲申 成祖永樂二年遷大姓實畿輔邑內居民多由外省

遷至土著甚少詔開閒田永不起科

東光縣志

卷十一

雜稽志上 事略

二十

丙戌 永樂四年知縣羅榮重修 文廟

壬辰 永樂十年冬十一月吳橋東光興濟交河天津等處

河水決隄壞民田舍

五行志曰太僕卿楊砥言德州良店驛東南二十

五里有黃河故道與州南土河通穿渠置閘分殺

吳橋東光上流水勢大為民便命侍郎藺芳往理

之

庚子 永樂十八年建太僕寺行臺令養馬人二年一算駒

辛酉 英宗正統六年大饑邑人郭友諒出粟千餘石為賑

壬戌 正統七年秋邑人郭友諒獨捐貲重修 文廟

酉 己 孝宗宏治二年戶部侍郎白圭於瀛滄之間多築渠

堰以殺水勢漕艘所經地方皆設淺夫有差歲以為

常東光設淺夫始此

子 壬 宏治五年裁東光縣縣丞

舊志明制東光知縣一缺縣丞一缺主簿一缺典

史一缺至是裁去縣丞

按孝宗本紀是年停納粟例故多裁也

酉 辛 宏治十四年知縣師禮重修 文廟

亥 癸 宏治十六年重修縣署

子 甲 宏治十七年建三賢堂

東光縣志

卷十一 雜稽志上 事略

二十一

舊志三賢者唐袁恕已宋劉摯張預也皆邑先正

午 庚 武宗正德五年冬十月霸州盜起官軍破之於半壁

店

方輿紀要半壁店在東光縣北明正德中官兵敗

流寇劉六等於此

巳 辛 正德十六年邑人廖紀始纂輯東光縣志

亥 己 世宗嘉靖十八年冬徵解折色馬

畿輔通志御史陳修奏馬頗足用乞暫准徵解折

色每匹銀二十兩以充沙河之役工完依舊解俵

丑 辛 嘉靖二十年流賊恣掠兵部馬不敷用五月遣太僕

寺丞齋官銀分派州縣買俵解大馬民多不堪

辛巳 神宗萬曆九年五月詔令盡賣民間種馬折徵草場

地租

按明初馬皆官牧後改民牧給以草場復為豪右
侵奪馬戶遂多逃亡至是太僕少卿武金以互市
饒馬遂請盡賣之而草場亦折租銀謂可供團營
及各邊之請豈知馬戶既空草場亦竭明季罔政
大壞實
變於茲

乙未 萬曆二十三年立徐公生祠

舊志徐公名僑河南光山進士為邑令詳見宦蹟

己亥 萬曆二十七年冬文昌閣成

庚子 萬曆二十八年知縣余良弼重修 文廟

東光縣志

卷十一 雜稽志上 事略

二十二

甲辰 萬曆三十二年知縣余良弼及邑人王嘉言重修東

光縣志

辛亥 萬曆三十九年夏河決夏口闔縣修築用銀八千餘

兩是年詔停執審

乙丑 熹宗天啟五年七月壬戌詔毀首善書院八月壬午

並毀天下講學書院

明史張居正惡人講學於萬曆七年春已詔毀天

下書院然猶未盡毀也至是先毀首善書院為天

下倡而畿輔書院遂盡廢為公廨矣

按東光辛店距城四十五里猶存前明興賢書
院亦幸其僻在遠鄉為當時詞察所不及耳

癸酉 莊烈帝崇正六年二月流賊犯畿南河北倣謀時聞

乙亥 崇正八年知縣邵建偉三修東光縣志

庚辰 崇正十三年改築東光土城為甌城

甲申 崇正十七年三月闖賊李自成牌到知縣蘇于令棄

官去之

舊志蘇公到任方七日聞京師陷遂挂冠去闔邑

大亂

國朝

甲申 順治元年以李持為東光縣令民心乃定四境始安

戊子 順治五年土寇陷城主簿馮明相死之

東光縣志

卷十一

雜稽志上 事略

二十三

己丑 順治六年官兵勦除餘匪夜巡城頭兵器皆戴火光

高寸餘

辛卯 順治八年教諭卜呂運等重修 文廟

癸卯 康熙二年奉裁訓導一缺

明制東光教諭一缺訓導二缺至是裁去其一

辛亥 康熙十年知縣王九鼎教諭宋可繼重修 文廟及

學署

癸丑 康熙十二年知縣王九鼎四修東光縣志

時修一統志故令各

州縣重纂志書

癸亥 康熙二十二年為知縣嚴公立德政碑

舊志嚴公名曾業浙江人詳見宦蹟

戊辰 康熙二十七年冬御河冰合於馬頭始設浮橋

辛未 康熙三十年九鄉屯咸立義學並置田租

是年立白公生祠

舊志白公名為璣奉天人詳見宦蹟

癸酉 康熙三十二年知縣白為璣五修東光縣志

甲午 康熙五十三年重修東北鄉興賢書院

縣册興賢書院在邑東北辛店莊知縣常宏祖為

立碑記

乙巳 雍正三年上丁祭始增太牢及祭器

東光縣志

卷十一

雜稽志上 事略

二十四

雍正通志州縣丁祭舊無太牢至是始增置及俎

豆籥舞諸器

庚戌 雍正八年七月二日德州河決沖灌縣境田禾淹沒

殆盡

辛亥 雍正九年分河間府所屬青靜滄南興鹽慶七州縣

別置天津府以東光徑屬河間府不復隸景州

壬子 雍正十年以利民富民阜財等六鹽場竈戶歸併於

滄州南皮甯津東光及山東海豐樂陵等十四州縣

管轄其竈課銀兩即由州縣徵解運司

癸丑 雍正十一年七月初旬德州河決縣境被災較八年

尤甚

丙辰 乾隆元年汰淺夫設河兵

庚申 乾隆五年領帑挑濬宣惠普頭漫樂諸河

甲子 乾隆九年請帑修城以工代賑復改甃堞爲土垣

乙丑 乾隆十年普免正供錢糧

庚辰 乾隆二十五年知縣張垚重修 文廟

辛巳 乾隆二十六年奏定重運限期東光境內連鎮汛計

河程三十六里限五時鎮標右營夏口汛計河程五

十六里限七時六刻均按日行五十八里計算

是年歉收改用小斗以前斗十六升此後斗十升

東光縣志

卷十一

雜稽志上 事略

二十五

丙戌 乾隆三十一年春

聖駕南巡駐蹕縣北御河 行宮

庚寅 乾隆三十五年普免正供錢糧

壬辰 乾隆三十七年裁河兵令沿河各村出夫供役

甲午 乾隆三十九年山東教匪爲亂竄距臨清州四鄉戒

備

丁酉 乾隆四十二年普免正供錢糧

庚子 乾隆四十五年龜茲交阯琉球西域日本暎咭喇夫

餘暹羅八國入 貢皆由縣境往還護送

乙巳 乾隆五十年議准官備駁船一千二百隻交附近沿

河之天津靜海等十八州縣分管多寡有差當經派撥青縣南皮縣交河縣吳橋縣東光縣皆各六十隻
乾隆五十五年

聖駕巡幸山東回

鑾駐蹕縣北御河 行宮普免正供錢糧

乙卯 乾隆六十年

萬壽賜千叟宴邑人年高者均蒙

曠典 時畿輔耆老與宴者共三千三百一

十四人見通志

丙辰 嘉慶元年普免正供錢糧

辛酉 嘉慶六年水災知縣張祥麟親查戶口請帑振濟焦

東光縣志

卷十一 雜稽志上 事略

二十六

心勞力卒於公事萬民懷痛聲達四郊

癸酉 嘉慶十八年秋大河北教匪竊起踞滑縣城凡畿南

州縣戒嚴者旬日

庚辰 嘉慶二十五年正月御河凌汛陡發焦家隄東岸決

壬午 道光二年七月吳橋蘇家樓御河西岸決淹注縣境

癸未 道光三年六月連鎮香衚衕御河西岸決百餘日始

合龍隄外遺一深潭不冰不涸潛蟄所居

壬辰 道光十二年九月朔山東德州第月屯御河東岸決

縣境東鄉被淹請賑

癸巳 道光十二年展緩東光被旱新舊額賦

時同展緩者共十州縣

申 丙 道光十六年展緩東光上年被水未完額賦時同展緩者四

十一
州縣

子 庚 道光二十年知縣張夢麟率邑人重修 文廟

卯 癸 道光二十三年秋七月趙家堤御河東岸決閏七月

故城西岸決邑東西境皆被水請賑

午 丙 道光二十六年奉裁縣北御河 行宮

子 壬 咸豐二年六月安陵南觀音堂御河西岸決

丑 癸 咸豐三年七月山東第九屯御河東岸決蠲緩額賦

九月二十四日粵匪北竄自泊鎮渡河

寅 甲 咸豐四年四月初十粵匪竄踞連鎮邑南居民財物

東光縣志

卷十一

雜稽志上 事略

二十七

牧畜搜索一空乃以園為攻跨河築羊馬牆七十里
並挑濬樂河

六月吳橋三里淺御河東岸決七月故城鄭家口御
河西岸決被害諸村豁免上忙錢糧銀一千六百七
十餘兩已納者抵明年春季

卯 乙 咸豐五年春正月十九日連鎮平六月三里淺隄復

決秋賑

亥 癸 同治二年八月二十三日捻匪宋逆入境二十四日

自夏口渡河二十五日由邑東境南竄

是歲修城未竟

甲子 同治三年七月辛家隄御河北岸決居民塞之連鎮

香榭榭復河決邑西被淹合龍後深潭如故

乙丑 同治四年八月修城四門至明年八月工竣

丁卯 同治六年十一月二十日流寇竄邑東境十二月五日復回西遁至吳橋境夜散

日復回西遁至吳橋境夜散

戊辰 同治七年三月二十九日捻匪張總愚竄邑東境修

浚城壕奉憲飭令御河西岸築牆防守

六月東光口河決秋八月捻匪平冬賑是年被害村

莊豁免錢糧銀三千五百五十餘兩

己巳 同治八年加築宣惠河隄

東光縣志

卷十一

雜稽志上 事略

二十八

庚午 同治九年六月德州桑園南御河東岸決北流灌入

宣惠河民眾加築隄防幸不為害

辛未 同治十年建修觀津書院

夏六月香榭榭御河西岸又決二十八日德州河東

岸亦決被災冬賑是年香榭榭深潭平

癸酉 同治十二年春二月二十六日琉球國人 貢經由

縣驛

夏六月交河楊家圈御河西岸決閏六月吳橋十五

里口西岸亦決邑西被水冬賑緩徵

庚辰 光緒六年重修倉廩

舊志倉廩於雍正四年十年乾隆十三年道光十五年皆曾改建後俱廢圯故至此復重修

辛巳 光緒七年沿運河東岸設電線

癸未 光緒九年天河道額設立永仁義學

秋七月趙家隄河決北流爲滄民曲防所阻爭鬪傷斃經道府勸議飭令立壩以洩之著爲法

乙酉 光緒十一年增築于家窪滾水壩

丙戌 光緒十二年以工代賑修築漫河隄岸

丁亥 光緒十三年加築宣惠河隄

祥異

七政之齊在天垂象雖於人事默相感召然彈丸之邑亦何容濫書也惟東光星野舊志以爲分畢明史又以爲分尾箕至 大清一統志及 畿輔通志論辯始定爲分虛危故茲編所紀日月星雲歷朝變異皆摘其於虛危有入犯者略著於篇而風水旱蝗地震物眚以次附載休咎徵焉志祥異

漢

孝文帝後元七年十一月戊戌土水合於危

孝景帝中三年十一月庚午夕金火合於虛相去一寸

東光縣志

卷十一

雜稽志上 祥異

一

元帝初元元年五月渤海水大溢

成帝鴻嘉四年勃海清河信都河水溢溢灌縣邑三十

一敗官亭民舍四萬餘所

東漢

光武帝建武二年正月甲子朔日有蝕之在危八度

安帝永初五年正月庚辰朔日蝕在虛八度

元初三年十一月甲午客星見西方己亥在虛危南

至胃昴

六年四月勃海大風雨雹

按舊志曰漢元帝元初六年四月渤海大風拔樹三萬餘株此譌也元帝年號乃初元非元初

且止五年無六年今據後漢書安帝本紀改正之

桓帝永康元年八月六州大水勃海海溢沒殺人

靈帝熹平二年十二月癸酉晦日有蝕之在虛二度

光和五年十月歲星熒惑太白三台皆聚於危相去

各五六寸如連珠

三國

魏明帝景初二年十月癸巳客星見危逆行在離宮北

騰蛇南

晉

惠帝永甯二年十一月熒惑太白鬪於虛危

東光縣志

卷十一

雜稽志上 祥異

二

明帝太甯元年三月饒安東光安陵三縣災燒七千餘

家死者萬五千人

穆帝升平五年正月乙丑辰時月在危宿奄太白

孝武帝甯康二年正月丁巳有星孛於女虛

太元十三年十一月戊子辰星入月在危

北魏

道武帝天興三年正月渤海上有脩縣東光縣木連理

各一

太宗泰常三年正月渤海上有東光縣木連理八月嘉

禾生

宣武帝正始元年大旱

孝明帝熙平二年瀛滄二州大饑

東魏

孝靜帝天平三年大饑

興和三年大稔

北齊

後主武平六年冀定趙幽滄瀛六州大水

唐

太宗貞觀六年正月乙卯朔日有蝕之在虛九度

高宗永徽三年六月河北大水滹沱溢損五千餘家

東光縣志

卷十一

雜稽志上 祥異

三

顯慶二年五月滄州大雨雹傷人

五年春河北二十二州皆旱

永隆元年河北河南大水民多溺死二年八月河南

北復大水壞民居十萬餘家

元宗開元四年景州水中見龍三頭後六日有風自龍

見處西南來飛屋拔木晝晦半日

十二年閏十二月丙辰朔日有食之在虛初度

十四年秋河北大水河及支川皆溢

十五年河北大水害稼浸及村居

憲宗光和八年六月百川發溢多不由故道滄州水潦

浸南皮鹽山等四縣

十四年九月十一至十四大雨滄州大水

十五年八月滄景等州大雨自六日癸酉至丁亥

凡半月廬舍場園漂沒殆盡

文宗開成二年二月丙午有彗星出於危長七尺餘西

指南斗戊申在危西南芒耀愈盛癸丑在虛辛酉長

丈餘西行壬戌在婺女長二丈餘至乙丑長五丈己

巳長八丈餘在張後漸隱不見是年八月丁酉復有

彗星於虛危

三年滄齊等州螟蝗害稼

東光縣志

卷十一

雜稽志上 祥異

四

四年秋滄景大雨水傷禾敗民廬井

舊志引此條稱開成八年按開成止五年安得八年今據唐書五行志正之

武宗會昌八年正月丙戌朔日有食之在危二度

昭宗乾甯三年十月有客星三一大二小在虛危間乍

合乍離相隨東行狀如鬪經三日而沒

宋

太祖開寶五年夏五月大雨河決滄瀛大水千里無煙

火

按舊志稱周恭帝時滄瀛大水千里無煙火並未記年月不思恭帝未及改元已遜位於宋何暇於紀災異惟開寶四年河決澶州五年又大兩河決不書地名以泛濫者廣也其時恭帝雖

猶存然久廢爲鄭王天下奉宋正朔已十三年矣自應書宋年號爲正五行志謂開寶五年河北大霖雨卽此

太宗太平興國六年景州大雨雹雷震傷人畜

淳化元年七月乾甯軍滄州蝗蝻損苗

至道元年七月癸丑有星出危色青白入羽林沒

眞宗咸平元年齊州清黃河泛溢壞田廬

五年二月雄霸瀛莫深滄諸州水壞民田

大中祥符八年七月永靜軍禾隔隴合穉者二監軍

使仲甫以聞

仁宗明道元年八月丙寅星出營室西南速行至危沒

東光縣志

卷十一

雜稽志上 祥異

五

皇祐元年二月丁卯彗出虛晨見東方西南指厯紫

微至婁凡百十四日而沒

五年七月甲辰星出奎如太白速行沒于危

嘉祐三年七月丁酉有星出危西南速行入濁

英宗治平元年六月辛酉夜漏未上星出河鼓東南速

行至危沒七月癸未星出危西南速行入天市垣沒

熙甯元年八月地震

神宗元豐六年九月庚申星出危北如太白西南急行

至牽牛沒又七年十一月乙卯星出虛南如杯西南

急行至濁沒赤黃有尾迹照地明

徽宗政和七年瀛滄二州河決城不沒者三版

按宋史五行志曰
民死者十餘萬

高宗建炎元年二月丁酉風霾日無 是日張邦昌僭

位

四年十二月壬午太白與熒惑合于危

孝宗隆興元年金大定三年二月中都以南八路蝗

乾道六年金大定十年三月戊午熒惑與太白合於危

甯宗慶元四年金承安三年八月甲戌熒惑與歲星合於虛

嘉定九年金貞祐四年河北大饑行省侯摯入奏言觀滄

州等斗米銀十餘兩

東光縣志

卷十一

雜稽志上 祥異

六

理宗淳祐十年十二月戊戌太白與歲星合於危

按宋自南渡後金遂全有河南河北諸地卽至
端平初金亡又爲蒙古所據充冀等州直與宋
渺不相及茲以見於宋史者仍繁於宋而見於
金史者則別錄爲金各註年號庶可互相參較

金

世宗大定十六年宋淳熙三年中都河北山東陝西河東遼

東等十路旱蝗

章宗明昌二年宋紹熙二年十一月乙丑金木二星見在日

前十三日方伏而順行危宿在羽林軍上壘壁陣下

光芒明大

四年宋紹熙四年六月河決衛州魏清滄皆被害

衛紹王大安二年

宋嘉定三年

山東河北河東諸路大旱至

六月雨復不止民間斗米至千餘錢三年山東河北

復大旱

宣宗貞祐三年

宋嘉定八年

十二月庚寅太白晝見於危宿

八十有五曰乃伏

元

世祖中統三年

宋景定三年

八月河間北京等屬隕霜害稼

四年

宋景定四年

六月河間益都燕京諸路蝗七月燕

京河間開平隆興四路屬縣雨雹傷稼

至元元年

宋景定五年

順天河間順德大名等郡大水

東光縣志

卷十一

雜稽志上 祥異

七

六年

宋咸淳五年

獻貝清滄四州大水

十九年蝗食苗稼草木葉俱盡民捕蝗為食曝乾

積之又盡則人相食

成宗大德二年二月辛酉歲星熒惑太白聚于危

七年德景二州大水壞田四千六百餘頃

舊志載此條稱元貞七年按元貞止二年至丁酉已改元大德安得七年考元史五行志大德七年五月濟南河南等路大水是為明證可糾其謬

九年三月河間益都般陽三郡屬縣隕霜殺桑清

莫滄獻四州霜殺桑一百四十一萬七千餘株

壞蠶一萬二千七百餘箔

十年四月大都眞定河間保定等郡蝗十一月壬申太陰犯虛

武宗至大二年四月河間滄州十八處蝗至八月蝗蝻大作

三年九月河間等路獻嘉禾有異畝同穎及一莖數穗者命集賢學士趙孟頫繪圖藏諸秘書

按此條雖載在仁宗本紀實武宗時事若吳橋志稱爲皇慶元年誤矣又或以爲至大二年者則其年夏秋皆蝗嘉禾何有此尤易辨也

四年七月河間眞定順德廣平等路德恩等州霖雨傷稼

東光縣志

卷十一

雜稽志上 祥異

八

仁宗延祐元年三月眞定保定河間民饑給糧兩月

三年二月河間濟南濱棣等處饑給糧兩月

六年六月河間路漳河水溢壞民田二千七百餘頃

泰定帝泰定元年六月景清滄莫等州旱詔免租稅

文宗至順二年三月深冀景獻等八州俱蟲食桑爲災

四月河間諸路屬縣皆以旱不能種告飢五月大水以河間鹽課鈔四千錠賑河間屬縣飢民四千五百

戶

順帝元統元年七月景州蓊縣等處雨雹害稼

舊志載此稱至順四年七月按元本紀順帝於至順四年六月初八即帝位改元元統是至順四年無七月也今據本紀改作元統元年七月方與史合

至正元年二月河間鄭州滄州等處饑賑鈔三萬五

千錠

明

太祖洪武三年四月直隸永平河間皆大旱七月文星

見

七年真定保定河間順德諸路蝗

二十四年北平河間二府水

成祖永樂五年順天保定河間饑

東光縣志

卷十一 雜稽志上 祥異

九

仁宗洪熙元年夏順天河間保定灤州俱水

宣宗宣德六年渾河溢決徐家口河間州縣俱水

英宗正統五年夏順天河間真定廣平蝗

六年七年順天河間大蝗野無青草

十三年七月縣境飛蝗蔽天

十四年順天保定河間諸路大旱

景帝景泰四年冬十一月至明年正月直隸山東皆大

雪數尺人畜多凍死

六年閏六月順天大水壞城垣河間諸路尤甚

天順元年五月丙戌彗星見於危若動搖者直隸大

饑疫

三年四月順天河間保定諸路連日烈風麥苗盡
萎

五年十一月甲子太白熒惑合於虛

八年二月丙午填星歲星太白聚於危是年縣境
野蠶成繭八月嘉禾生有九穗者

憲宗成化六年順天保定河間眞定四府饑食草本俱
盡

九年三月畿南山東大饑民相食乃命免今年租
十五年畿輔大旱

東光縣志

卷十一

雜稽志上 祥異

十

二十二年縣境大稔夜雨晝晴

孝宗宏治七年保定眞定河間三府饑

武宗正德六年十一月戊午河間屬縣及衛皆地震

七年六月壬戌黑眚見順德河間及涿大如貓犬

夜出傷人尋見於京師形赤黑風行有聲逾月

乃息

按舊志云正德八年夏有妖白色傷人出血夜
持金鳴鐵相徹後遇雨而滅所記乃白眚與史
異且年歲不符疑
有錯誤姑錄存核

十四年二月地震縣境大疫

世宗嘉靖二年春歲星太白同晝見夏旱縣境風沙無

麥

三年正月地震夏河間諸屬旱蝗秋大水

五年春地震秋大饑

十二年九月丙子流星如盞光照地自中合東北
行近濁尾迹化爲白氣四更至五更四方大小
流星縱橫交行不計其數至明乃息

按舊志載此條云十二年十月星隕如雨
月分既譌且未紀日茲據五行志校正

三十二年元日日食春夏旱大饑

三十九年大旱居民流移山東等處求食

四十年三月太白晝見縣境大饑人相食疫死者

東光縣志

卷十一

雜稽志上 祥異

十一

甚衆

四十二年大風數起飛沙拔樹折屋

四十五年五月雨雹如雞鷲卵屋瓦皆碎田禾盡

摧

神宗萬曆元年縣境有年

十一年蝗災

十六年河決魏家口莊田多爲沖壞

二十七年螟蟲食苗盡民剝榆掘草以食之野多

餓孳有棄嬰兒於路者

二十八年縣境洊饑疫死無算

三十二年夏大雨霽潦高下俱淹自縣境上船可
以北達京師西抵河間九月戊申詔賑畿南六
府饑

三十四年六月畿內大蝗食苗殆盡

三十九年六月自徐州北至京師皆大水縣境夏

口河決沖沒田廬

四十三年春夏大旱至七月望始雨民多掠食詔

加賑卹

四十五年六月久旱不雨畿南山東大饑有司請
賑

東光縣志

卷十一

雜稽志上 祥異

十二

按舊志萬曆四十五年禾大收斗粟直小錢十
九文所記與史特異豈自畿南以至山東皆旱
中獨東光一縣大收耶此必年月有誤
且斗粟直錢十九亦太賤姑存俟核

熹宗天啟四年三月初二地震物皆動搖

五年三月舊志失
記日千夜地震屋宇振撼雞犬驚鳴至

夏飛蝗蔽天

莊烈帝崇正元年夏畿輔大旱赤地千里

按舊志云崇正元年二月夜大風拔木雨中聞
龍叫數聲事涉疑猜且未言旱當從史爲正

四年縣境大雨異常高下盡潦

七年縣境旱蝗

八年春舊志失
載日月雨土三日屋瓦皆飛

十四年畿南山東沔饑

五行志曰德州升米千錢父子相食行人斷絕大盜滋矣

十七年正月二十四口夜有巨星人月

國朝

順治四年七月縣境飛蝗蔽日樹木墜折

五年土寇猖獗田園荒廢饑饉荐臻

十二年霖雨致潦蠲免錢糧十分之三

十四年縣境大水

康熙四年春夏無雨縣境饑穡蠲免錢糧十分之二

五年大水種稔無遺蠲免錢糧十分之二

東光縣志

卷十一

雜稽志上 祥異

十三

七年六月十七夜地大震房屋傾圮

十四年縣境大荒

十五年縣境有年

十八年七月二十八巳時地震有聲是年蝗旱

十九年春旱斗米銀三錢餘

二十二年十月五日午後地震

二十八年旱蝗蝻徧地

詔免逋租並次年春夏錢糧復

賜帑金賑濟邑令白公亦捐俸施粥

三十年旱蠲免河東錢糧十分之二河西十分之三

三十一年旱

三十二年旱賑

三十四年夏苦雨

三十七年大有年

四十一年大水賑

四十三年八月二十日地震牆屋傾倒死傷者衆

四十四年至五十七年屢豐

五十八年六月十八日地震

五十九年大旱田禾皆槁

六十年春旱秋歉收米價每斗銀六錢五分民荒

東光縣志

卷十一

雜稽志上 祥異

十四

六十一年大旱賑

雍正元年大有年禾穗長尺餘有一莖兩穗者

三年春旱六月二日大雨至八月計四十餘日連

雨平地成河民貨其屋材農器以易粟邑令董

請賑

四年夏麥熟未收連雨黴爛秋田多無力耕種

五年秋澇歉收

六年春旱五月二十日始雨秋半收

八年旱六月三日始雨七月德州河決八月朔大

風雨雹河船多覆十九日地震

十一年無麥七月德州河決縣境被災較八年尤甚

十三年縣境蝗

乾隆四年春夏旱七月杪至八月初旬霖雨不止歉收
七大有年斗穀京錢百文棉花每斤二十八文
八年春旱六月始雨八月朔霽霜歉收施賑
九年縣境有年

二十年夏有麥秋大水儉收

二十二年八月山水發平地深尺餘時五穀已熟
幸無害

東光縣志

卷十一

雜稽志上 祥異

十五

二十四年七月御河決八月山水發請賑

二十五年大疫

二十六年五月後大雨月餘不止禾盡渰爛大歉

二十七年麥大熟白麪每斤京錢二十四文

二十八年五月朔午後日食羣星見

二十九年夏旱秋大饑

三十四年蟲災減收

三十五年有年七月夜有氣如火橫蔽西北互數
十丈中含白光森如劍戟上射其下黑氣迷漫
久之方滅

三十六年正月十六日大風晝晦

三十八年大旱

三十九年連旱禾盡枯大饑請賑

四十年旱六月三日始得溥雨秋大熟斗穀京錢

七十文人乍飽食多致疾弊

四十一年有年棉花每斤京錢三十六文

四十五年蝗蝻爲災歲歉

四十九年蟲災

五十一年大疫

五十五年七月大雨八月山水發九月夜有星大

東光縣志

卷十一

雜稽志上 祥異

十六

如月帶火西流冬賑

五十六年旱蝗十月八日大雨雹

五十七年秋大饑野多餓莩

五十八年春旱秋蟲立冬後雷鳴

五十九年八月山水大發平地深五六尺邨莊多

澇秋麥亦淹大歉

六十年旱蝗六月二十一日地震

嘉慶元年大有年斗穀京錢百五十文紅梁斗百文

二年大疫

四年蝗蝻爲災

五年春蝻子復生四月初旬被大風吹滅無迹

六年七月初旬山水大發平地深六七尺漂沒田

廬

七年正月十七日雷電

九年縣境有年

十年縣境大疫

十二年四月十日地震

十四年元旦夜有黑氣一道自西北抵東南長竟
天

十五年旱麥無實邑東境雨雹厚寸餘秋饑

東光縣志

卷十一

雜稽志上 祥異

十七

十六年除夕大雪

十九年秋八月霽霜殺禾

二十年元旦大雪七月朔亥時地震次日復震

二十一年閏六月十四日地震

二十二年夏旱秋收

二十四年臘月十九日大雪三晝夜平地深數尺

二十五年正月河水湧溢二十四日月中有星七

月二十五日天鼓鳴

道光元年二月朔日月合璧五星聯珠六月十九日暴

雨損苗七月大疫道殣相望

二年麥有秋七月大水緩徵

四年六月蟲爲災

六年螟蟻害稼

八年縣境有年秋地震

九年三月二十一日日下有黑子

十年閏四月二十二日地震七月大旱緩徵

十一年夏六月二十七日天色日光皆碧

十二年七月大旱人起相奪至十一日雨乃止九

月德州河決邑東大水

十三年春大饑夏麥有秋六月八日雨雹

東光縣志

卷十一

雜稽志上 祥異

十八

十四年元旦雪秋八月故城鄭家口河決邑西大

水

十五年夏蟲爲災秋德州第二屯河決邑西水害

緩徵

十六年六月十九急雨如注移時平地水深數尺

十七年蟲災五月望後羣星南流如雨秋旱歉收

緩徵

十八年五月蝗不爲災

十九年冬大雪

二十年二月朔日食七月大潦八月十日大風雹

二十三年正月天槍見西南隅秋河決全境被水

二十四年九月二十七日未初天鼓鳴

二十五年麥有秋九月七日有星入月

二十六年夏六月大雨沒禾秋七月故城河決邑

西大水

二十八年無麥九月初大風雨

二十九年春三月中旬大雨連縣數日麥少實

三十年冬十一月初旬雨二晝夜凍塗復釋

咸豐元年縣境有年

二年夏五月邑東南鄉雨雹屋瓦多毀六月河西

被水

三年夏旱秋七月大水冬大雪

四年夏四月粵賊入境六月河東水災七月河西

水災

六年春三月二十三日雨土夏大旱禾焦緩徵

七年春大饑多餓殍六月始雨秋有年

八年六月飛蝗過境無傷七月蠓子生捕滅之

十年六月十九日大雨傷稼七月太白經天

十一年秋八月丁巳朔日月合璧五星聯珠冬十

月十日雷電交作

同治元年六七月大疫中元夜流星無數散入申方

二年四月二日有星如斗自巽方起沒於亥五月

九日大風拔木六月朔有星如斗起自女星間

尾長丈餘投良而墜雷聲隨之七月雨雹

三年七月連鎮隄決河西大水

四年春正月十三日大雨雪雷電併作五六月星

晝見

七年麥有秋夏邑東大水九月十五申刻有星如

斗尾長數丈自南而北入地沒

九年無麥夏蟲災七月初旬酷熱人多暍死八月

東光縣志

卷十一

雜稽志上 祥異

二十

朔邑東鄉雨雹

十年夏六月御河東西俱決邑境大水七月下旬

雨七晝夜冬十二月二十六夜自艮至坤天赤

如火嚮曉乃滅

十一年正月二十三日日暈雙環抱珥虹氣貫之

五月朔日食麥大熟七月邑東雨雹

十二年夏河決邑西諸村被淹

光緒元年五月四日邑西大雨雹傷麥六七月大旱禾

苗盡槁

二年旱秋八月初十霜禾苗殤萎緩徵賑

三年旱無年糧米踊貴疫癘流行

四年春大饑斗粟千錢饑疫交臻民損什四免徵
施賑以救困窮秋大熟田禾自生

六年秋旱

八年十月二十二日地震屋撼有聲二十五日復
震

九年七月初五趙家隄御河東岸決德州境內亦
河決北流縣境東西被水賑

十年正月二十六夜地震十二月二十五夜復震
十一年春旱夏大雨秋七月德州老虎倉白草窪

東光縣志

卷十一

雜稽志上 祥異

二十一

東西兩岸河決流入縣界全境被淹緩徵施賑
冬十月二十日申刻西北聞雷二十二夜流星
如織

十二年縣境有年

十三年春夏旱六月始雨

十四年正月二十五日雷電交作五月初四日地
震